



Me pēwhea e au te tautoko?

He kaupapa tautoko nā Hōhipihi Waikato i ngā whānau o te rohe o Waikato kei a ia tētehi take matetata. He koreutu katoa ā mātou whakarātonga, ko tētehi wāhanga noa iho o te pūtea nā te Kāwanatanga nō reira ko tā matou āhei mai i te tautoko a ētehi tāngata, ētehi kamupene, ētehi rōpū hoki o te hapori.

He maha ngā huarahi tautoko i a Hōhipihi Waikato. Arā, mā te whai wāhi ki ētehi o ā mātou hui mahi moni; te whakauru ki tā mātou hōtuku raraunga o te kaitākoha; te hoko rawa mai i ā mātou toa hokohoko puta noa te rohe; te tūao rānei; te whakahaere rānei i tāu ake kaupapa mahi moni.

Ahako pēwhea, he koanga ngākau mai i tō tautoko, nā, ko tō tākoha he āwhina i tā mātou tuku manaakitanga ki ngā iwi e toimaha ana ki tō tātou hapori – inā rā māu tō rātou whai ora ia rā e manaaki.

Ko te hunga tūao he pokapū nō tō mātou tīma. He maha he tini ā rātou mahi. He rawa whakaharahara rātou ki ngā tūmomo āhua katoa o te Hōhipihi. Ko ētehi o aua mahi tūao ki te Hōhipihi he kaimahi ki ngā toa hokohoko; he kairomiromi; he kaiāwhina ki ngā kīhini; he kaimahi kārī; he kaitaraiwa; he kaimahi moni; he hekeretari; he manaaki i te tūoro o-roto.

Mē he pātai anō āu ki te tākoha, me te tūao, me te mahi moni mō Hōhipihi, he hiahia rānei ki te mōhiohio anō, waea wawe mai ki 0800 HOSPICE.



Gallagher Family Hospice

334 Cobham Drive, Hillcrest, Hamilton, 3216

PO Box 325, WMC, Hamilton 3240

Telephone (07) 859 1260 | Fax (07) 859 1266

www.hospicewaikato.org.nz



He aha te Hōhipihi?



www.hospicewaikato.org.nz

Pae oranga pai mō te wā me Hōhipihi Waikato

Ko te whakapono a Hōhipihi Waiako me tau tika te tinana me te wairua o te hanga e tata mate ana ki te wāhi e tika ana ki a ia; kia tautokona rā anō hoki ō rātou whānau, kaimanaaki, hoki tae atu ana ki te hunga kaingākāungia ana e ia kia pērā rā ki a rātou taua tau o te wairua.

Ehara i te mea ko tā mātou he whakakipa ake, he whakaroa rānei o te matetanga. Ko tā mātou kē he tiaki i ō mātou tūro, i ō rātou whānau, ngā kaimanaaki i a rātou i te wā o te māuiui, o te matetanga, o te tangihanga.

He aha tā te Hōhipihi?

Ko te mahi pū a Hōhipihi Waikato he āwhina i te hunga e tata mate ana ki te pae oranga pai mō te wā; he manaaki hoki i a ia ki te kounga pono mōna.

Ko Hōhipihi Waikato te pokapū o te manaaki motuhake i te mate tata ki te rohe o Waikato, kei a mātou te tino kounga o te tiaki i te hunga e pāngia ana ki te toimaha rawa o te pae mutunga o te tahumāero, o te māuiui rānei.

Ko tā Hōhipihi Waikato he whakarite i te manaaki o te tūro pēnei ki te wāhi e hiahia ana e ia tērā pea ki tōna ake kāinga, tēhei whare noho rānei.

He kaupapa motuhake tā Hōhipihi Waikato mō te katoa o te tangata, inā rā he nui ngātahi nō ngā hiahia ā-kikokiko; ā-aronganui; ā-pāpori; ā-wairua.

Kei a Hōhipihi Waikato tēhei tima e herea ana ki tēnei take, inā hoki ko te nēhi take whānui; te nēhi take motuhake; te nēhi take matetata; te rata rongoā matetata; te tauwhiro; te kaitohutohu; te kaihono wairua; me te tūao Hōhipihi kua whakangungungia.

Katoa o ēnei ratonga he koreutu.

Ngā ratonga o Hōhipihi Waikato

Kei a mātou ngā tūmomo manaakitanga i te tūro me te whānau tahi. Ko ā mātou whakaratonga:



Hospice@Home

Mo te hunga tūro e pīrangi ana ki te noho ki tōna kāinga ki roto o te Taonenui o Kirikiriroa, o Ngāruawāhia, o Kēmureti.



Torohanga ki Taiwhenua

Mahi ngātahi ana ō mātou nēhi me ngā nēhi, ngā rata ā-rohe i te taiwhenua o Waikato.



Te Rangiāniwaniwa

Ko tā mātou hōhipihi hei-tohutohu, hei tautoko i te hunga taitamariki.



Mō te Whānau

He tautoko ā-aronganui, ā-pāpori hoki i te wā o te matetanga; te tangihanga mō te tangata kotahi, te rōpū rānei ki te tirohanga oranga me te whakaara wairua auaha.



Wāhanga 11-moenga

Mō te whakahaere tohumate, te manaaki i te matetata, te whakahaere i te tanga manawa.



Whare Tūro o-waho

Mō te arotakenga motuhake me te maimoa o te tohumate me ōna raruraru.

Mō wai ngā ratonga o Hōhipihi Waikato?

Mō te tangata e pāngia ana ki te mate tata, he whiwhiwhi nō ana tohumate, he toimaha rawa te whakahaeretia o ana raruraru e ana kaitiaki matua.

Mā ā mātou whakaratonga, manaakitanga hoki ka taea ai e te tūro te noho ki tōna kāinga ake ki te aroaro o ngā tātanga me te wāhi e kaingākūnuingia ana e ia.

Me pēwhea te whakaingoa ki ēnei whakaratonga?

Ka taea e te hunga kaimahi hauora te whakaingoa i te tūro i te wā ka whiwhiwhi rawa te māuiui. Nā, me whai te manaakitanga motuhake e taea ai te whakahaere i ngā tohumate me te tuku tautoko ā-pāpori, ā-hinengaro, ā-wairua ki te tūro me te whānau.

Ka taea e te tangata a ia anō te whakaingoa ēngari ko tā mātou he tono kia whāia tō GP, rata motuhake rānei me ngā mōhiōhio hauora.

